

Վեհափառ Հայրը պարտիրոմն էր: Մտեցայ, ձեռքը համբուրեցի: Ինչ որ օձի պատմութիւն պատմեց, շատ անորոշ կերպով:

Անցեալ օր, ասեց մօտաւորապէս, նստած էի այստեղ, այս փոքրիկ պարտէզում, այս աթոռի վրայ, այսինչ վարդապետն էլ մօտս էր: Մէկ էլ տեսայ՝ մի օձ, երկար, կանանչ մի օձ, որ սողում էր դէպի ինձ: Վեր թռայ եւ գաւազանով փախցրի: Իսկ մօտս գտնուող վարդապետը ոչ միայն տեղից չհարժուեց, այլ հանգիստ ձայնով յայտարարեց. «Յս վաղուց տեսել էի օձին, բայց կարեւորութիւն չտուի»...

Վեհափառը պատմեց, ու իր ծեղացած աչքերի փայլուն շղարշի տակից նայեց ինձ վախով եւ գայրոյթով:

Տեսել էր եւ ոչինչ չէր ասել:

* * *

Պոլոսյ, Առնաուտ Քէօյի մի դեղադործ, որ հիմա վարդապետ է դարձել, ինձ տեսաւ թէ չէ ուրախացաւ, ծիծաղեց եւ բարձր ձայնով. «Օ՛ր, Չարեան էֆէնտի, ամա՛ն, խօջ գետալիւն, էի մի սիւղ»...

Մայր տաճարի պատի վրայ վտանգաւոր ձեղք նկատեցի:

Ստիպուած, ասացին ինձ, ետեւի երկու դմբէթները պիտի քանդեն, վտանգի առջեւը առնելու համար:

* * *

Նկարիչ Տ.ն այստեղ է ապրում: Եօթ կատու ունի եւ տասն եւ չորս հաւ: Հայ ոճի մասին է խօսում: Արտանկարել է խաչքարեր, ձեռագիրներ եւ Մայր Տաճարի փայտէ նմանողութիւնն է շինել:

Ամէն ինչ կորչում է, ասում է, դոնէ այդ պահէնք:

Իր արտանկարների համար Մոսկուայի չգիտեմ ի՞նչ հնագիտական ընկերութիւնից մեղալ է ստացել, եւ այստեղ, Հոգժողկոմը իրեն բաղ (այգի) է խոստացել: Ուրախ է, կով պիտի պահի:

* * *

Վանքի տպարանում դասադրքեր են տը-

պում: Չեն հասնում: Հայ ժողովրդի գիտութեան ծարաւը շատ մեծ է:

Այս մարդիկ,— ասում է տպարանապետը ցոյց տալով դէպի վանքը,— դարերով ժողովուրդը տգիտութեան մէջ են պահել, լա՛ւ է որ եկանք հասանք:

Էջմիածնի ճեմարանի նախկին աշակերտները եւ ուսուցիչները խօսքերն են, որ այսօր, տգէտ այս մարդիկ կրկնում են,— ասում է մի Սրբազան:

Գրքերի էջերից էնդելսը ծիծաղում է:

* * *

Վերադառնա՛մ:

Բայց վերադառնամ ո՞ւր:

Վաղարշապատի փողոցները նայում են դոյնը նետած կարմիր մի դրօշակին: Ցելս է: Արարատը ճակատիս ստռ է դնում: Յուրաքանչեւ սաստիկացնում է մինակութիւնս, եւ ոչ մի տեղ չեմ ուզում դնալ:

Վանքի բակի մեծ դուռը միշտ բաց է: Ամէն ոք ամէն տեղ ման է դալիս:

Ո՞ւր է այն հայ կինը, որ մի քանի տարի առաջ աղօթում էր տաճարի դռան առջեւ: Ռաֆայէլի մագօննան եւս անհետացել է: Ո՞ւր են, ո՞ւր են...

* * *

Նկարիչ Տ.ն դուրս է եկել փողոց եւ իր կատուները ներս է կանչում: Մի օր մէկը կորած է եղել. կինը եւ ինքը ամբողջ Վաղարշապատը տակնուվրայ են արել, տնէ տուն ման եկել, միլիցիաններին դիմել, փող խոստացել: Ի դո՛ւր... Միւս առաւօտը Մայր Եկեղեցուց առջեւից անցնելու ժամանակ մէկ էլ մլաւոցի ձայն են լսում: Կատուն եկեղեցու մէջն է եղել:

— Տօ, էդպէս էլ անսիրտ մարդիկ, խեղճ կենդանին փակել են եկեղեցու մէջ եւ թէպէտ գիտեն, որ կին եւ էրիկ ամբողջ գիշեր չեն քրնել, ոչինչ չեն ասում:

Պատմում է ու գայրանում:

Օճը, կատուն, կաթողիկոսը, նկարիչը...

Չէ՛, վերադառնամ:

Վաղը Մնունդ է:

(Շարունակելի)